

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XXII. DECEMBRIS,
M. NICOLAO MATHIEV Doctore Medico, Præside.

An in curatione luis Venereæ Balneum?

824

CALIDVM innatum vitæ nostræ fundamentum & fomes, non est forma, sed formæ instrumentum architectonicum, non origine & naturâ, sed ob eximias actiones cœlestes ac diuinum, omnem partem penetrat, non vertit in cineres, ab artificiali calore longè distinctum, multo quæ præstantius; illud tamen deperditur non modò, illo breui ætatis nostræ curriculo, verum etiam vim patitur ab externis. Hostes habet primas qualitates si quando exuperent, sed eas sæpenumero vincit, & vt substantia accidente nobilior, ita calidum innatum cæteris qualitatibus validius; sed sæpè dat victas manus qualitatibus occultis, malignis, quibus morbi instructi, si corpus adorianur, illud ab iis in validissimis etiam naturis se se expedire vix potest.

HÆ qualitates in morbis, vel sunt cuius homini addictæ, vel communet, quæ propagantur eminus vt pestis, cominus vt lues venerea: hæc patrum nostrorum memoria, ab aliquo primum impuro concubitu orta, latius diffusa est, adeò effrenata vt natura illius nusquam sit medicatrix, spiritus humores, parteq; solidas infestat, & in ipsis ossibus imperij sui sedem figit, quibus etiam emortuis adest, nec pristino candori restitui finit, tam varias habet symptomatum facies, vt Protheum dixeris, crudele & infidum virus, nec piis obstetricum aut Chirurgorum manibus parci, serpique inter lætentium suavia, læpius tamen per amplexus venereos contrahitur, parteq; obscenas aut vlcibus aut gonorrhœa multiplici fœdat, nec non bubone, qui iecoris inquinati vt plurimum index, nec semper & si suppuratus illius vindex, sæpè negligens inferiora, hepatis primum tum demum solidis partibus bellum indicit, victoriæ suæ notas per pustulas exostoses, & dolores in internodiis exprimit, sequitur deprauata nutritio maligno ichore alimentum inquinante; contagium, colubrorum veneno simillimum, quod cum sit calidum, symptomata frigida passim generat, illud maxime acrimonia sua læuit ita vt si in biliosum cadat, intra paucos annos humidum primigenium sub specie febris Hæcticæ depopuletur, si verò in pituitosum, vitæ spatium nihilo faciat angustius: quod liquet ex Hispanis, & Danis lue venerea infectis, vt vt sit, partibus solidis semper infernum ipsarum ruinam molitur.

AD hanc ferocem Hydram contundendam seuerioris notæ Medicus desideratur, qui nouerit ægri naturam, temperamentum, habitum, sexum, ætatem, nec non scuitiam morbi, eiusque propria symptomata. O di fabulosas Græcolorum esurientium pollicitationes, qui contumacissimum istius generis morbum, aliquot pillularum beneficio (has secreta vocant) atque sudatiunculis se extirpaturos promittunt, morbus interea, alto supercilio ea medicamenta, velut arma velutum dedignatus, tabifico veneno potens, se se penitioribus ossibus inserit dominioque suo læuus, vorat medullas; nec non potionum crethismis, vt fera catulorum vanis latratibus irritata, acriori dolorum cruciatu malignitatis suæ notas prodit, crebrioresque pustulas velut trophea, aucti imperij sui limitibus ponit. Quæ sacra anchora vanis nostris pollicitoribus in hoc procelloso tot calamitatum æstu ad charybdim vela conuertunt, ecce nequitia priori simplicitate damnosiori capsulas ligneas componunt & titionum ardentium tristi ministerio, vna non modò humores præparant atque educunt, verum etiam ægros exhaustis humidi primigenij fontibus exanimant, si quibus humidum illud pingue tot supplicij ferendis par esse poterit, inspicite exoriente homuncionem vt solem pallidum è crudis albularum nebulis, illi fame genuini crepant nec non mouentur ad gressum titubantiū numeros, fronte saxea emicat, digitis ac genubus pungit, crura à brachijs solo situ non mole distinguens, pectus tabulatum, cute circumtenfa pumice sicciori, lateram puni cam efformat, per quam si fissiculator rimetur nil nisi puluerem scobemq; pro sanguine reperiet in venis, larua deniq; ossæ est, quæ præmature senio confecta, languida paucos post dies occumbit.

MALIM ego aditum speluncæ Cæretanæ in Etruria veteri, nec inutile est importunum illud serpentum quibus scæter commercium: vapor enim humidus cum colubrorum halitu huic affectui multum profunt, apage laconica illa sicca & Phalaridis taurum, mitioribus remedijs naturæ opitulandum, malignitas effera causæ morbificæ infringenda, viresque naturæ erigendæ sunt, vt si benigniorum remediorum beneficio, chyna, falsaparilla, guayaco, trochiscis viperæ morbus vix euelli poterit: si ad extrema sit deueniendum, ad mercurium nempe, quem timet illa lues vt nec magis Stellio Scorpionem, ne ille germanus impuræ venenis auerruncus, vi sua syntectica, morbum in altioribus radicibus inuadens, humorem etiam primigenium colliquet, eaque ratione, ægri lue venerea utrumque curati marasmo pereant. Quæ pernicies auerti non potest alia ratione quam si solidæ partes euchymis alimentis reficiantur, atq; iucundissimo humore perfundantur.

QVÆRIS remedium, quod dolores sedet, somnum conciliet, tenui calore referatis meatibus, liquidisque per corpus superfluis humonibus, sudores eliciat, partium solidarum ariditatem, toris cœlestis instar corrigat, benignoque affluxu, velut nectar viuificum, non modò tonum ipsarum seruet, verum etiam spiritus tum insitos cum influentes, alacriores viuidioreque reddat; nec non quemlibet malignum & ferum humorem procul à sacris calidi natui penetralibus arecat? quæris germanum luis venereæ remedium? Balneum est, non curo Subticula in sabinis quod cuti affectæ profunt: aut Cantarella in Puteolano sinu quod ossibus medcantur, nec pluri facio Clusina, Calderiana, Bajana, tot rediuiuorum votis insignita, & sacræ deorum manus auxiliatrices appellata: angustiora apud me sunt, labra domestica Poppeana atque etiam simplicia, vera enim sunt sanitatis tuendæ restituendæque præsidia, quæ ab Atlantidum incolis à primis naturæ incunabulis celebrata, maiori cum auctoritate apud Romanos viguerunt, vigerentque adhuc nisi diruta summi illius imperij maiestate, res balnearia simulatque fatali quadam bonarum arrium labe condidisset, politioribus ergo seculis restitatur lue venereæ, febri, omnibus fere morbis accommo datissimum remedium.

Ergo in curatione luis Venereæ Balneum.

Proponebat Lutetiæ PETRVS BOVRDELOT Senonicus. A. R. S. H. M. DC. XXXIX.

DOMINI DOCTORES DISPVATVRI.

M. Petrus Lieger.
M. Ioannes Charrier, M. R.
M. Ioannes Pierre.

M. Petrus Yon.
M. Claudius Germain.
M. Germanus Preaux.

M. Iacobus Perreau.
M. Georgius Cornuty.
M. Guillelmus Duval, P. R.

